

醫

貫

醫貫卷之六

後天要論

補中益氣湯

東垣此方從潔古老人枳朮

皆有妙義法度甚嚴有卽原方加減法有
加減而別立主名法每於一味二味之出
入分別天淵條例甚精不可不細考吾常
見粗工輒云用補中益氣湯及詳其方截
然背謬不過偶用方中數味耳卽有名手
全用此方矣於中稍加減一二味便失本
指者又不少也可不
從全書講明其故耶

黃芪

一錢

當歸

人參

炙甘草

陳皮

升麻

柴胡

白朮

此方東垣所製治內傷之方古方止有黃

芪一錢其餘各三分薛立齋常用參芪各

錢半白朮一錢當歸一錢陳皮七分升麻

柴胡各五分東垣取清輕上升故分數少

加多然亦相所進退加減神應無窮如病

甚者參芪或三錢五錢隨症加用凡脾胃

此方本主脾肺脾運則陽明之氣上達而

胃開然不得脾藥之力則不能親上也

喜甘而惡苦喜補而惡攻喜溫而惡寒喜

通而惡滯喜升而惡降喜燥而惡濕此方

得之

或問曰古今稱補中益氣湯爲萬世無窮之利
其義云何曰此發前人所未發繼仲景河間而
立意義深遠也世人一見發熱便以爲外感風
寒暑濕之邪非發散邪從何出又不能灼見風
寒暑濕對症施治乃通用解表之劑紫蘇白芷
甘草麻黃陳皮香附升麻葛根赤芍川芎蔥姜
爲十神湯如九味羌活湯敗毒散十神湯之類
甚則涼膈白虎之類雜然並進因致斃者多矣

東垣深痛其害創立此方

東垣此方原為感症中有內傷一種故立

此方以補傷寒書之所未及非補虛方也今感症家多不敢用而以為調理補虛服食之藥則

謬矣調理補虛乃通以為邪之所湊其氣必虛其義而轉用者耳

內傷者多外感者間或有之縱有外邪亦是乘

虛而入但補其中益其氣而邪自退不必攻邪

攻則虛者愈虛而危亾隨其後矣倘有外感而

內傷不甚者即於本方中酌加對症之藥而外

邪自退所謂仁義之師無敵於天下也至於飲

食失節勞佚過度胃中陽氣自虛下陷於陰中

而發熱者此陽虛自病誤作外感而發散之益
虛其虛矣爲害豈淺哉又有一種內傷真陰而
發熱者與內傷陽氣相似此當補真陰非四物
湯之謂又非坎離丸之類詳見先天要論中者
心肺在上腎肝在下脾胃處於中州爲四臟之
主氣者中焦無形之氣所以蒸腐水穀升降出
入乃先天之氣又爲脾胃之主後天脾土非得
先天之氣不行是方蓋爲此氣因勞而下陷於
腎肝清氣不升濁氣不降故用升麻使由右腋

而、上、用、柴、胡、使、由、左、腋、而、上、非、藉、參、芪、之、功、則、
升、提、無、力、所云借肺以升脾本乎天者親上也是方所以補益後

天中之先天也

或問曰余見先生動輒以先天後天立論余攷
之易中先天後天之圖乾南坤北離東坎西等
卦位於醫道中甚無所合而先生屢言之不已
其義云何曰怪乎予之問也余所謂先天者指
一點無形之火氣也後天者指有形之體自臟
腑及血肉皮膚與夫涕唾津液皆是也既曰先

天此時天尚未生何況有乾南坤北八卦對待

之圖乎曰然則伏羲此圖何爲而設也余曰此

非先天之圖乃中天

增立名色

八卦之圖天位乎上

地位乎下日出乎東水源乎西風雨在天上山

雷在地下人與萬物位乎中予嘗見邵子排列

如此有先天八卦數其當今所用者止一爻王

象天圖出乎艮而相見乎離致役乎坤悅

言乎兌戰乎乾勞乎坎成乎艮以春秋晝夜十

二時相配因以定陰陽決生死推而天文地理

星相醫卜無一不以此圖爲則至於先天者無
形可見卽易中帝出乎震之帝神也者妙萬物
而爲言之神是也

借解真
火卓然

帝與神卽予先天要

論中所稱真君真主本係無形不得已而強立
此名以爲主宰先天之體以爲流行後天之用
東垣先生獨會其宗而以補中益氣方中用柴
胡升麻者正以升發先天之氣於脾土之中竝
萬世無窮之利余所以諄諄爲言也蓋人身以
脾胃爲主人皆知之而先天隱於無形者舉世

置而勿論故予旣立先天要論矣復於後天論
中發明東垣脾胃論亦用先天無形者爲主讀
脾胃論者讀至人受水穀之氣以生所謂清氣
營氣衛氣元氣穀氣春升之氣皆胃氣之別名
則可見矣飲食入胃猶水穀在釜中非火不熟
脾能化食全藉少陽相火之無形者在下焦蒸
腐始能運化也此時若用寒涼之藥飲食亦不
運化矣蓋脾胃中之火土中之火納音所謂爐
中火養爐中火者須頻加煤炭蓋以熱灰溫養

其火而火氣自存一經寒水便成死灰將以何者蒸腐水穀以何者接引燈燭舉目皆地獄光景可不戒哉故經曰勞者溫之損者溫之正取溫養之義也東垣曰岐伯曰有所勞倦形氣衰少穀氣不盛上焦不行下脘不通而胃氣熱熱氣熏胸中故內熱舉痛論云勞則氣耗勞則喘且汗出肉外背越故氣耗夫喜怒不節起居不時有所勞傷皆損其氣氣衰則火旺火旺則乘其脾土脾主四肢故困熱無氣以動懶於語言

動作喘乏表熱自汗心煩不安當病之時宜安心靜坐以養其氣以甘寒瀉其熱火以酸味收其散氣以甘溫補其中氣經言勞者溫之損者溫之是也又金匱要略云平人脈大爲勞脈極虛亦爲勞夫勞之爲病其脈浮大手足煩熱春

夏劇秋冬瘥以黃芪建中湯治之

東垣當歸一味從建中湯

得義補血湯得法根黃芪來也

此亦溫之之意也蓋人受水穀

之氣以生所謂清氣元氣管氣衛氣春升之氣皆胃氣之別名也夫胃爲水穀之海飲食入胃

遊溢精氣上輸於脾脾氣散精上歸於肺通調
水道下輸膀胱水精四布五經並行合於四時
五藏陰陽揆度以爲常也若飲食失節寒溫不
適脾胃乃傷喜怒憂恐損耗元氣脾胃氣衰元
氣不足而火獨盛火者陰火也東垣心火相火
交說有義此刪
改以就其說耳大抵此篇趙氏直取東垣諸論
纂湊成文雜以已說頗多刪改失本意者須參
對原文
起於下焦元氣之賊也壯火食氣少火
生氣火與元氣不兩立一勝則一負脾胃氣虛
則下流肝腎名曰重強陰火得乘其土位故脾

証始得則氣高而喘身熱而煩脈洪大而頭痛
或渴不止其皮膚不任風寒而生寒熱蓋脾胃
之氣下流使穀氣不得升浮是春生之令不行
則無陽以護其營衛遂不任風寒而生寒熱此
皆脾胃之氣不足所致也然與外感風寒之証
頗同而實異內傷脾胃乃傷其氣外感風寒乃
傷其形傷其外則有餘有餘者瀉之傷其內則
不足不足者補之如汗之吐之下之尅之之類
皆瀉也溫之和之調之養之之類皆補也內傷

不足之病苟誤認作外感有餘之症而反瀉之

則虛其虛也實實虛虛如此死者醫殺之耳然

則奈何惟當以辛甘溫劑補其中而升其陽

東垣

有甘寒以瀉其火六字然有意在趙氏以其則

害已也而去之其實失東垣立方之微旨

愈矣經曰勞者溫之損者溫之又曰溫能除大

熱大忌苦寒之藥損其脾胃今立補中益氣湯

主之夫因飢飽勞役損傷脾胃或專因飲食不

調或專因勞力過度或飢飽之後加之勞力或

勞力之後加之飢飽皆爲內傷脾胃一虛肺氣

先絕故用黃芪以益皮毛而閉腠理不令自汗損其元氣上喘氣短人參以補之心火乘脾須炙甘草之甘以瀉火熱而補脾胃中元氣若脾胃急痛并大虛腹中急縮者宜多用之經曰急者緩之白朮苦甘溫除胃中熱利腰臍間血胃中清氣在下必加升麻柴胡以引之引黃芪甘草甘溫之氣味上升能補衛氣之散解而實其表也又緩帶脈之縮急二味皆苦平味之薄者陰中之陽引胃中清氣升於陽道及諸經生發

之氣以滋春氣之和也氣亂於胸中為清濁相

干用去白陳皮以理之

助陽氣上升以散滯清氣助諸辛甘為用

升而濁自降矣胃氣虛不能升浮為陰火傷其

生發之氣營血大虧營氣不營陰火熾起日漸

熬煎血氣日減心主血減則心無所養致使心

亂而煩故以當歸和之如煩猶未止加服地黃

丸以補腎水水旺而心火自降

東垣原文有加辛甘微溫陽生

則陰長或曰甘溫何能生血曰仲景之法血虛以人參補之陽旺則能生陰血更以當歸和之少加黃柏以救腎水能瀉陰中之伏火也煩猶不止少加生地黃以補腎水水旺而心火自降

東垣專論血減心煩故即本方加生地黄黃柏以
生陰趙氏專主腎以制火故改用川地黃丸用各
不同然東垣就方論感症而趙氏則通
論補虛症治不可以此強合東垣也 以手捫

之而肌表熱者表症也只服補中益氣湯一二

服得微汗則已非正發汗乃陰陽氣和自然汗

出也

東垣數言直發古
今無窮之蘊

如精神短少倍加人參

五味子

如頭痛加蔓荊子

如頭痛有痰沉重乃太陰痰厥頭痛加半夏天

麻

如腹中痛者加白芍如惡寒冷痛更加桂心如惡熱喜寒熱痛加黃連

如腹中痛惡寒而脈弦是木來尅土也小建中湯主之蓋芍藥味酸於土中瀉木爲君如脈沉細腹痛以理中湯主之乾姜味熱於土中瀉水以爲主也

臍下痛者加熟地黃如不已乃大寒也更加肉桂凡小腹痛多屬腎氣奔豚惟桂泄奔豚故加之
發明

如脇痛或脇下縮急俱加柴胡芍藥

如體重肢節痛或腹脹自利脈來濡緩者濕勝也加蒼木厚朴主之如風濕相搏一身盡痛加羌活防風藥本別作一服病去勿再服以諸風藥損人元氣也

如冬月惡寒發熱無汗脈浮而緊本方加麻黃

桂枝

本註加麻黃五分
川參芪各一錢

如冬月惡寒發熱有汗

脈浮而緩加桂枝芍藥傷寒必惡寒傷風必惡風傷食必惡食傷寒惡寒烈火不能熱重衾不

能溫若內傷者得就暖處著綿溫火便不惡矣
內傷飲食口不知味不思飲食傷寒者雖不能
食未嘗不知味也勞力內傷者身體沉重四肢
困倦百節煩痛心滿氣短懶於言語若傷寒者
太陽則頭痛少陽則脇痛陽明則目痛不若內
傷之怠惰嗜臥也傷寒發熱拂拂如羽毛之熱
熱在皮毛內傷者肌體壯熱捫之烙手右手氣
口脈大於左手人迎三倍其氣口脈急大而數
時一代而澹澹是肺之本脈代且是氣不相接乃

脾胃不足之脈大是洪大洪大而數乃心脈刑肺急是弦急乃肝木挾心火克肺金也其右關脈屬脾比五脈獨大而數數中時顯一代此不甚勞役是飲食不時寒溫失所胃脈損弱隱而不見惟內顯脾脈如此若外傷則人迎脈大於氣口也

東垣以手捫熱有三法輕手捫之則熱重手按之則不熱是熱在皮毛血脈也重按筋骨之間則熱蒸手輕摸之則不熱是熱在骨髓也輕手

捫之則不熱重手按之亦不熱不輕不重按之而熱者是熱在筋骨之上皮毛血肉之下乃熱在肌肉肌肉間熱者正內傷勞倦之熱也若予於內傷真陰者以手捫熱亦有二捫之烙手骨中如炙者腎中之真陰虛也捫之烙手按之筋骨之下反覺寒者腎中真陽虛也而必赤者陰盛於下逼陽於上也口必渴者腎水乾枯引水自救也若口吐痰多如清水者腎水泛上爲痰口必不渴也口咯痰如沫者水沸爲痰陰火熬

煎口必渴也腰脇痛者腎肝虛也足心如烙者
湧泉涸竭也膝以下冷者命門衰絕上氣必喘
也尺脈必數者陰火旺也尺脈數而無力或欲
絕者真陽衰也骨痛如拆者腎主骨骨衰乘火
也此陽虛陰虛之辨而陰虛之中又有真陰真
陽之不同其治法詳先天論中

或問曰丹溪云東南之人陽氣易以升不可服

補中益氣湯

丹溪此說原有偏處不必同護

當今江以南之人

果盡不當服乎曰東南指人之臟腑而言也

牽強

蓋東方屬肝南方屬心肝與心有火者不可服

恐木火愈旺也若黃帝起四方之問岐伯有四

治之能此東南西北方指地位也

丹溪主養陰以降爲升故

云云東南畢竟是指地如閩粵之間熱多寒少火症尤多

既不可服東南二

方之劑其人上盛者必下虛其腎氣大虛矣急

須填補北方先天之元氣爲要總而言之先天

後天不得截然兩分上焦元氣不足者下陷於

腎中也當取之至陰之下下焦真陰不足者飛

越於上部也焉可不引而歸原耶是以補中益

氣湯與腎氣丸並用

是長洲獨得之秘

朝服補陽暮服

補陰

亦有反用者互根之理也

互相培養但先後輕重之分

明者知之不必詳述

或問腎氣丸中以地黃爲君恐其泥隔或於脾

胃有妨乎曰腎氣丸中盡是腎經的藥並無一

味脾胃藥雜其中

庸子定以山藥茯苓當之矣

徑入腎經焉

能泥隔凡用藥須要分得陰陽水火清淨如朝

廷有六部一部有一部之事一部有一部用事

之人今欲輸納錢糧而可與天曹用事之人同

議乎曰若如所言子正謂腎經水部不可與脾

經戶部相雜之謂耳曰余所謂不雜者謂腎水

藥

此字改作方字則易明矣

中不可雜脾土藥脾土藥中不

得雜腎經藥如四君子湯脾經藥也雜地黃其

中則泥隔矣八味地黃丸腎經藥也加人參則

雜矣

故予謂醫當論方不當論藥論藥止可就一味單方言耳

若論腎與脾

胃水土原是一氣人但知土之爲地而不知土

亦水也自天一生水而水之凝成處始爲土土

之堅者爲石此後天卦位坎之後繼之艮艮爲

山爲土艮土者先天之土水中之土也土無定
位隨母寄生隨母而補故欲補太陰脾土先補
腎中少陽相火若水穀在釜中非釜底有火則
不熟補腎者補腎中火也須用八味丸醫不達
此而日從事於人參白朮豈是探本之術蓋土
之本初原是水也世謂補腎不如補脾余謂補
脾不如補腎此長洲之旨也而言本於許叔微
趙氏引此作結以明補中益氣湯
尚非其至必歸宿於八味丸而
後已以見先天後天分列之義

傷飲食論

陰陽應象論云水穀之寒熱感則害人六腑是飲食之傷傷於寒熱也痺論云飲食自倍腸胃乃傷是飲食之傷傷於飢飽也古人治法本上中下三等而治之在上者因而越之瓜蒂散之類主之中者消化神曲麥芽山楂三稜廣茂之類主之下者引而竭之硝黃巴豆牽牛甘遂之類主之古人又分寒熱而治之傷熱物者寒藥治之傷寒物者熱藥治之傷冷物二分熱物一分則用熱藥二停寒藥一停若備急丸是也

予意當隨症加減大抵飲食之病傷寒物一邊居多以上法門未可爲典要也

當今方家以平胃散爲主出入增減亦可爲脾胃之準繩平胃者胃中有高阜則使平之一平卽止不可過劑過劑則平地反成坎矣故經曰大積大

聚衰其半而止

今人以平胃散爲常服補劑者誤也不

若枳朮丸爲勝夫枳朮丸乃潔古老人所製用

枳實一兩白朮二兩補藥多於消藥先補而後

消以荷葉裹飯

此東垣之升柴也

燒熟爲丸蓋取荷葉

色青得震卦之體有仰盂之象中空而清氣上升燒飯爲丸以取穀氣謂潔古枳朮一方啓東垣末年之悟補中益氣自此始也但潔古專爲有傷食者設今人以此丸爲補脾藥朝服暮餌更有益之橘半香砂者則又甚矣吾恐枳實有推墻倒壁之功而人之腸胃旣已有傷墻壁不固能經幾番推倒乎至若山查神曲麥芽舉世所常用者余獨永棄亦偏蓋山查能化肉積凡年久母猪肉煮不熟者入山查一撮皮肉盡爛又

產婦兒枕痛者用山查二十粒砂糖水煎一碗服之兒枕立化可見其破氣又破血不可輕用麴蘖者以米與水在甕缸中必藉麴以釀成酒必藉蘖以釀成糖脾胃在人身非甕缸比原有化食之能今食不化者其所能者病也只補助其能而食自化山查曲蘖亦助能之藥但助實不助虛耳何必用此消尅哉此言虛人不宜久服不宜而語有過偏處不可據執大凡元氣完固之人多食不傷過時不飢若夫先因本氣不足致令飲食有傷矣前藥一用飲

食雖消但脾既已受傷而復經此一翻消化愈
虛其虛明後日食復不化猶謂前藥已効藥力
欠多湯丸並進展轉相害羸瘦日增良可悲哉
余痛此弊因申言之凡太平丸保和丸肥兒丸
之類其名雖美俱不敢用蓋名之美者其藥必
惡藥用細少者其性必毒皆不可多用故以美
久服然急症乍解又有不可少者

名加之以欺人耳目非大方家可用也故醫有
貧賤之醫有富貴之醫的然此其所膏梁之子
以兩不相通弟與藜藿之民不同太平之民與瘡夷之民不

同鄉村問巷頑夫壯士暴有所傷一服可愈若
膏梁子弟稟受虛弱奉養柔脆槩以此術施之
貽害不小夫有醫術有醫道術可暫行一時道
則流傳千古

陋語
出醜

有古方有今方有聖方有俗

方余以爲今人不及古人不敢自立一方若脾
胃惟東垣爲聖選而用之以調中益氣補中益
氣二方出入增減真知其寒物傷也本方中加
熱藥如姜桂之類熱物傷也加黃連之類真知
有肉食傷也加山查數粒酒食傷也加葛花一

味隨症調理此東垣之法方士之繩墨也然以
寒治熱而熱不去以熱治寒而寒不除柰何經
曰寒之不寒是無水也熱之不熱是無火也壯
水之主益火之原此東垣之未及也

展轉必到
六味八味

如有食填太陰名曰食厥者上部有脈下部無
脈不吐則死急以陰陽鹽湯探吐其物卽愈如
有食積腸腹絞痛手不可按者不得不下

此又
非所

能者病哉下
亦助所能也審知其爲寒積必用巴豆感應丸
審知其爲熱積必用大黃承氣湯下之不當死

生立判慎之哉昔張子和動輒言下下之當也
仲景三承氣審之詳密可下不可下急下分毫
不爽如下血積必用桃仁紅花下水必用牽牛
甘遂下水中之血必用蝨蟲水蛭今人畏而不
敢下者不明之罪亦卽殺人之罪如無忌而妄
用者殺人之罪夫醫司人命豈易言哉

何栢齋云造化生物天地水火而已主之者天
成之者地也故曰乾知大始坤作成物至於天
地交合變化之用則水火二氣也天運水火於

地之中則物生矣然水火不可偏盛大旱物不生火偏盛也大澇物亦不生水偏盛也水火和平而生物自然之理人之臟腑以脾胃爲主蓋飲食入於胃而運以脾猶地之土也然脾胃能化物實由於水火二氣非脾所能也火盛則脾胃燥水盛則脾胃濕皆不能化物乃生諸病制其偏而使之平則治之之法也而愚按制其偏而使之平一句甚好所謂制者非去水去火之謂人身水火原自均平偏者病也火偏多者補

水配火不必去火水偏多者補火配水不必去水譬之天平此重卽彼輕一邊重者只補足輕

之一邊

亦有損減重邊之法

決不鑿去馬子蓋馬子一定

之數今人欲瀉水降火者鑿馬子者也

其論亦快然亦

有當去重一邊者如馬子輕而物重則減物以取平也

余於脾胃分別陰陽水火而調之如不思飲食

此屬陽明胃土受病

不思飲食亦有火鬱者

須補少陰心

火歸脾湯補心火以生胃土也能食不化此屬

太陰脾土

能食不化亦有邪熱不殺穀者

須補少陽相火入味

丸補相火以生脾土也。無非欲人培養一點先天之火氣以補土之母耳。若理中湯用乾姜所以制土中之水也。建中湯用芍藥所以制土中之木也。黃芪湯所以益土之子使不食母之氣也。六味丸所以壯水之主也。八味丸所以益火之原也。土無定位寄旺於四時無專能代天以成化故於四臟中兼用之。總之以補爲主不用尅伐脾氣下陷補中益氣肝火乘脾加左金丸鬱怒傷脾歸脾湯脾虛不能攝痰六君子湯脾

胃兩虛四君四神陰火乘脾六味丸命門火衰
不能生脾土八味丸先天之氣足而後天之氣
不足者補中氣爲主後天足而先天不足者補
元氣爲主或曰正當胸膈飽悶之時數日粒米
不下陳皮枳殼木香烏藥日夜吞咽尚且不通
復可補乎曰此正因初先不知補益擅用發散
尅伐太過虛痞之病也因此而用後法無不愈者若初起則亦有數法
不可經曰下焦虛之中焦痞滿欲治其虛則中
執一滿愈甚欲消其否則下焦愈之庸醫值此難以

措手疏啓其中峻補其下少用則邪壅於上多用則峻補於下所謂塞因塞用者也善用者能以人參一兩或七八錢少加升麻一錢大劑一服卽愈此內經之妙用不可不知也

東垣云酒者大熱有毒氣味俱陽乃無形之物也若傷之止當發散汗出則愈矣其次莫如利小便乃上下分消其濕今之病酒者往往服酒癥丸大熱之藥下之又有牽牛大黃下之者是無形元氣受病反下有形陰血乖謬甚矣酒性

大熱已傷元氣而復重瀉之又損腎水真陰及有形血氣俱為不足如此則陰血愈虛真水愈弱陽毒之熱太旺反增其陰火是元氣消鑠折人長命不然則虛損之病成矣宜以葛花解醒湯主之

葛花解醒方

此方亦不可恃

青皮

去穰
三錢

木香

五分

橘皮

人參

茯苓

各一錢半

猪苓

一錢五分

白朮

五分

葛花

五分

砂仁

五分

澤瀉 一錢

白朮 二錢

乾姜 一錢

神麴 一錢

右爲細末每服三錢白湯調下微汗則病
去此東垣原方宜加減用

中暑傷暑論

中暑者面垢自汗口燥悶倒昏不知人背冷手足微冷或吐或瀉或喘或滿是也當是時切勿便與冷水或臥冷地如行路暈死者卽置日中熱地上以小便溺熱土上取熱土罨病人臍上

急以二氣丹同蘇合香丸湯調灌下如無二氣丹研蒜水灌之亦可蓋中傷暑毒外陽內陰諸暑藥多用暖劑如大順散之用姜桂枇杷葉散之用丁香蒜亦辛熱之物又蒜氣臭烈能通諸竅也

東垣分陰陽動靜而治之

靜而得之者爲陰証或深堂水閣過處涼室以傷其外或浮瓜沉李過食生冷以傷其內所謂因暑而傷暑者也

此論極精夏月陰症多此

其病必頭痛惡

寒肢節疼痛而煩心、肌膚大熱、無汗、腹痛吐瀉、
爲房室冷物之陰寒所遏、使周身陽氣不得伸、
越以大順散主之、

動而得之者爲陽症、或行人或農夫於日中勞、
役得之爲熱傷元氣、其病必苦頭痛、發躁惡熱、
捫之肌膚大熱、必大渴引飲、汗大泄、齒燥無氣、
以動乃爲暑傷氣、蒼朮白虎主之、若人元氣不、
足、用前藥不應、惟清暑益氣湯或補中益氣湯、
爲當、大抵夏月陽氣浮於外、陰氣伏於內、若人

飲食勞倦內傷中氣或酷暑勞役外傷陽氣者
多患之法當調補元氣為主而佐以解暑若陰
寒之症用大順散桂附大辛熱之藥此內經舍
時從症之良法不可不知今人患暑症歿而手
足指甲或肢體青黯陰陽壞並皆有之未
可盡以爲寒凝也此皆
不究其因不溫其內而泛用香薷飲之類所誤
也夫香薷乃散陽氣導真陰之劑也須審有是
症而服之斯爲對症今人平日間恐患暑病而
先服此以預防適所以招暑也若人元氣素虛

或房勞過度而飲之者爲禍尤不淺若欲預防
惟孫真人生脈散爲夏令最宜

暑乃六氣中之一卽天上火惟此火可以寒水
折之非比爐中火與龍雷火也凡傷暑腹痛吐
瀉交作者一味冷井水加青蒿汁飲之立愈暑

毒從小便中泄矣名曰臭靈丹

不若辰砂
益元散

暑喜傷心心屬南方火從其類也小腸爲心之
腑利心經暑毒使由小腸出故青蒿香薷爲要
淺者可散深則必以益
元降之乃能達小腸耳有因傷暑遂極飲冷水

或醫者過投冷劑致吐利不止外熱內寒煩燥多渴甚欲裸形狀如傷寒此陰盛格寒宜用溫藥香薷飲中加附子浸冷服

大順散加參附亦可

又有因冒暑吐極胃虛百藥不入粒米不下入口卽吐病甚危篤急用人參一錢黃連五分姜汁炒焦糯米一撮水一鍾煎一小酒盞候冷用茶匙徐徐潤下少頃再入一匙得入數匙不吐盡一小盞便可投藥食矣

暑病與熱病相似但熱病脈盛暑病脈虛爲辨

耳

二氣丹 治伏暑傷冷二氣交錯中脘痞結或吐或瀉

硝石

硫黃

各等分

右爲細末石器內火炒令黃色再研用糯米丸如桐子大每服四十丸

大順散 治冒暑伏熱引飲過多脾胃受濕水穀不分霍亂嘔吐臟腑不調

甘草

三兩

乾姜

杏仁

肉桂

各四兩

右先將甘草炒八分黃色次入乾姜同炒
令姜裂次入杏仁同炒令杏仁不作聲爲
度用篩篩淨後同作一處搗羅每服二錢
水一鍾煎七分溫服如煩躁井花水調服
不拘時

香薷飲 治伏暑引飲口燥咽乾或吐或
瀉

香薷 一斤

白扁豆 炒半斤

厚朴 姜汁炒半斤

黃連 姜汁炒四兩

右咬咀每服三錢水一鍾入酒少許煎七分浸冷服

十味香薷飲 消暑氣和脾胃

香薷一雨 人參 陳皮 白朮

茯苓 扁豆 黃芪 木瓜

厚朴姜汁炒 甘草炙

已上各半兩爲細末每服三錢冷水調下

清暑益氣湯

黃芪 一錢 蒼朮 錢半 升麻 一錢

人參

白朮

陳皮

神麴

澤瀉

各五分

甘草

黃柏

葛根

青皮

當歸

麥門冬

各三分

五味子

九粒

水二鍾煎至一鍾

內經曰陽氣者衛外而爲固也熱則氣泄今暑邪干衛故身熱自汗以黃芪甘溫補之爲君人參陳皮當歸甘草微溫補中益氣爲臣蒼朮白朮澤瀉滲利而除濕升麻葛根苦甘平能解肌

熱又以風勝濕也熱則食不消而作痞滿故以
炒麴甘辛青皮辛溫消食快氣腎惡燥急食辛
以潤之故以黃栢苦寒借其氣味瀉熱補水虛
者滋其化原故以麥冬五味子酸甘微寒救天
暑之傷庚金爲佐此病皆由飲食勞倦傷其元
氣乘天暑而發也元氣不虛暑邪何自而入哉
一小兒患嘔吐瀉利煩躁搐搦或以爲驚或以
爲風余見其口燥手指茶壺腹中鳴出對諸醫
曰易治也借藥籠中三昧藥足矣用黃連五分

甘草三分人參五分水煎冷服下咽頃刻卽睡而安或曰黃連甘草解毒善矣又加人參五分謂何余曰若不用參此兒當病氣弱數日得參明後日復如無病人矣次日果然

白虎湯

石膏 知母 甘草 人參 糯米

此方是暑月熱病發熱之正方名曰白虎者西方金神也將來者進成功者退使秋金之令行則火令退聽石膏寒中之藥淡

而辛能汗能利必審其人有、大、汗、而、渴、齒、
燥、其、脈、洪、而、長、時、當、夏、月、可、用、若、無、汗、不、
渴、脈、虛、而、不、洪、長、或、重、按、全、無、雖、壯、熱、口、
渴、象、白、虎、湯、症、此、係、脾、胃、氣、虛、元、陽、不、足、
誤、伏、白、虎、必、死、又、有、一、等、大、失、血、後、或、婦、
人、產、後、壯、熱、喘、促、面、赤、引、飲、脈、虛、名、曰、血、
虛、發、熱、最、忌、白、虎、須、用、當、歸、補、血、湯、則、安、

夷堅甲志云昔虞丞相自渠川被召途中冒暑
得疾泄利連月蘿壁間有韻語云暑毒在脾濕

氣連脚不泄則痢不痢則瘡獨煉雄黃蒸餅和藥甘草作湯服之安樂別作治療醫家大錯如方製服疾隨愈引此爲例餘可類推

亦不可爲常法

濕論

有在天之濕雨露霧是也在天者本乎氣故先中表之榮衛有在地之濕泥水是也在地者本乎形故先傷肌肉筋骨血脈有飲食之濕酒水乳酪是也胃爲水穀之海故傷於脾胃有汗液之濕謂汗出沾衣未經解換者是也有太陰脾

土所化之濕不從外入者也陽盛則火勝化爲濕熱陰盛則水勝化爲寒濕其症發熱惡寒身重自汗筋骨疼痛小便秘澀大便溏泄腰痛不能轉側跗腫肉如泥按之不起

經曰因於濕首如裹濕氣蒸於上故頭重又曰濕傷筋故大筋縷短小筋弛長縷短爲拘弛長爲痿又曰濕勝則濡泄故大便溏泄大便泄故小便澀又曰濕從下受之故跗腫又曰諸濕腫滿皆屬脾土故腹脹肉如泥濕氣入腎腎主水

水流濕各從其類故腰腎痛

治法在上者當微汗羌活勝濕湯在下者當利小便五苓散夫脾者五藏之至陰其性惡濕今濕氣內容於脾故不能腐熟水穀致清濁不分水入腸間虛莫能制故濡泄法當除濕利小便也

東垣曰治濕不利小便非其治也又曰在下者引而竭之聖人之言雖布在方策其不盡者可以意求耳夫濕淫從外而入裏若用淡滲之劑

以除之是降之又降乃復益其陰而重竭其陽則陽氣愈消而精神愈短矣是陰重強陽重衰反助其邪之謂也故用升陽風藥卽瘥以羌活

獨活柴胡升麻各一錢

與防風半錢炙甘草半錢

水煎熱服

大法云濕淫所勝助風以平之又曰下者舉之得陽氣升騰而愈矣又曰客者除之是因曲而爲之直也夫聖人之法可以類推是舉一而知百也

總不出開鬼門潔淨府二法但開潔之用不同耳

有脚氣類傷寒

者發熱惡寒必脚脛間腫痛俱從濕治千金方

有陰陽之分。陰脚氣脛腫而不紅。陽脚氣腫而紅者也。

有濕熱發黃者。當從鬱治。凡濕熱之物不鬱則不黃。禁用茵陳五苓散。凡見用茵陳五苓散者。十不一生。亦甚言之當用逍遙散。方見鬱論。

凡傷寒必惡寒。傷風必惡風。傷濕必惡雨。如傷濕而兼惡寒。無汗骨節疼痛者。仲景有甘草附子湯。

甘草附子湯

甘草

炙一錢

附子

半一錢

白朮

二錢

桂枝

四錢

水煎作一服

金匱防已湯治濕勝身重陽微中風則汗出惡

風故用黃芪炙甘草以實表防已白朮以勝濕

金匱防已湯

防已

三錢

甘草

一錢五分

白朮

二錢

黃芪

半三錢

加生姜大棗水煎作一服

羌活勝濕湯

通治濕症

羌活

獨活

錢各一

防風

藁本

甘草

川芎

錢各一

蔓荊子

三分

如身重腰痛沉沉然經中有寒也加酒防
已五分附子五分

有一友宦遊京師病腿痛發熱不能履地衆以
爲腿癰延予視之扶掖而出予曰非癰也以補
中益氣湯加羌活防風各一錢此開鬼門例一服如
失次日乘馬來謝

予一日患陰丸一个腫如鳴卵發熱以濕熱症

治之不效細思之數日前從定海小船回有濕
布風帆在坐下比上岸始覺以意逆之此感寒
濕在腎丸也乃用六味地黃此潔淨加柴胡吳
萸肉桂各一錢獨活五分此味妙一服熱退再服
腫消後有患偏墜者此方多效

癰論

或問曰經云夏傷於暑秋必病癰前人雖備言
之肯殊未暢蓋明示諸曰不發於夏而發於秋
此亢則害乘乃制子來救母之義蓋暑令當權

君火用事肺金必受傷尅火位之下水氣承之

腎水爲肺之子因母受火傷子來承之以制火

救母

動輒講五行則不免於穿鑿附會

於是水火相戰陰陽交

爭大勝則大復小勝則小復此陰陽勝復之常

理瘥之所由作也然而有病者蓋邪之

所湊其氣必虛

動輒歸一虛亦害

故其人元氣不固者

暑邪得以承之所以治瘥以扶元氣爲主

發在夏至後處暑前者此三陽受病傷之淺者

近而暴也發在處暑後冬至前者此三陰受病

傷之重者遠而深也

發在子半之後午之前是陽分受病其病易愈
發在午後者是陰分受病難愈

分明不爽

或問曰有一日一發有間日一發有三日一發
何也曰在陽則發早在陰則發晏淺則日作深
則間日夫人營衛之氣一日一周歷五藏六腑
十二經絡之界分每一界各有一舍營衛之有
舍猶行人之傳舍也邪氣客於營衛之舍與日
行之衛氣相接則病作離則病退故一日一周

有止發之定期其間日而作者氣之舍深內薄
於陰陽氣獨發陰氣內著陰與陽爭不得出故
間日而作也三日一作者邪入於三陰也作於
子午卯酉日者少陰也寅申巳亥日者厥陰也
辰戌丑未日者太陰也

凡治瘧必先問其寒熱多寡而參之脈症有寒
多熱少者有熱多寒少者大抵寒熱往來皆屬
少陽經治法當以小柴胡爲主若寒多者小柴
胡加桂枝有但熱不寒者名曰瘧瘧有但寒不

熱者名曰牝瘧金匱云陰氣孤絕陽氣獨發則熱而少氣煩冤手足熱而欲嘔名曰瘧瘧邪氣內藏於心肺外舍於分肉之間令人消燂腕肉又曰溫瘧者其脈如平身無寒但熱骨節疼煩時時嘔逆以白虎加桂枝湯主之但寒者名曰牝瘧蜀漆散主之此寒熱多寡之定法也然亦有不可執者當察脈之虛實何如若但寒者其脈或洪實或滑當作實熱治若但熱者其脈或空虛或微弱當作虛寒治

仲景云瘧脈自弦弦數者多熱弦遲者多寒弦
小緊者可下弦遲者可溫弦緊者可發汗及鍼
灸也弦數者風痰發也以飲食消息止之

凡瘧將發之時與正發之際慎勿施治治亦無
效迎其未至擊其情歸蓋將發正發之際邪正
混戰恐無益於去邪而反傷其正故不可也

必待陰陽并極而退過此邪留所客之地然後
治之且當病未發二三時前迎而奪之可也古
今治瘧症候有風寒暑濕不同治療有汗吐下
各異方術無慮千百不能盡述獨無痰不成瘧

無食不成瘧。深得致瘧之因。

鼓峰每以雙和丸治之而愈。明此義。

也。無汗要有汗散邪為主。有汗要無汗扶正氣。

為主深得治瘧之法。

清脾丸以蒼朮白朮分有汗無汗有理。

以青

皮飲一方治秋時正瘧隨症加減屢用屢效若

胃中有鬱痰伏結者以草菓飲

發寒痰也一服熱痰忌之。

卽愈。

服前方不應當以補中益氣湯倍柴胡加半夏

生薑養正而邪自除。立齋云凡人久瘧諸藥不

效以補中益氣湯加半夏用人參一兩煨姜五

錢繆仲醇止用參姜各一兩截虛瘧甚效此不截之截也一服卽愈

仁齋云有人臟腑久虛大便常滑忽得瘧疾嘔吐異常以二陳加人參白豆蔻進一二服病人自覺氣脈頓平寒熱不作蓋白豆蔻流行三焦元氣營衛一轉寒熱自平繼今遇有嘔吐發瘧之症或其人素虛者慎勿用常山等藥以上專論秋時正瘧之法也世間似瘧非瘧者多世人一見寒熱往來便以截瘧丹施治一截不止則

再截再截而止止而復發復截以致委頓甚或
因而致斃者有之不可不辨也經曰陽虛則惡
寒陰虛則惡熱陰氣上入於陽中則惡寒陽氣
下陷於陰中則惡熱凡傷寒後大病後產後勞
瘵等症俱有往來寒熱似瘧非瘧或一日二三
度發並作虛治但有陽虛陰虛之別陽虛者補
陽如理中湯六君子湯補中益氣湯加姜桂甚
則加附子諸方中必用升麻柴胡以提出陰中
之陽水升火降而愈

勞瘵尤多按期久發俗醫
定以瘧治致害者不可勝

計此則并非六君升柴之所
宜當以歸脾六味八味治之醫書有論及之者

矣至於陰虛者其寒熱亦與正瘧無異而陰瘧
中又有真陰真陽之分人所不知經曰晝見夜
伏夜見晝止按時而發是無水也晝見夜伏夜
見晝止倏忽往來時止時作是無火也無水者
壯水之主以鎮陽光六味湯主之無火者益火
之原以消陰翳八味湯主之世患久瘧而不愈
者非瘧不可愈乃治之不如法也
久瘧用補中
益氣不效者

八味丸有神應
予每得其力

丹溪云夜發者邪入陰分宜用

血藥引出陽分當歸川芎紅花生地黃栢治之亦未及真陰真陽之至理徧攷諸書瘡論並未能露其意且余常試有神驗故特表而出焉

余見發瘡有面赤口渴者俱作腎中真陰虛治無不立應凡見患者寒來如水熱來如烙惟面赤如脂渴欲飲水者以六味加柴胡芍藥肉桂五味大劑一服便愈

有渴甚者每發時飲湯不絕必得五六大壺方可予以六味丸一料肉桂一兩水十碗作四

砂鍋煎至五六碗以水探冷連進代茶遂熟睡
渴止而熱愈

又有惡寒惡熱如瘧無異面赤如脂口渴不甚
吐痰如湧身以上熱如烙膝以下自覺冷此真
陽泛上腎虛之極急以八味湯大劑冷飲而熱
退繼以人參建中湯調理

加減地黃方 腎肝同治之法

熟地 四錢 山藥 二錢 山萸肉 一錢 丹皮 半錢

茯苓 半錢 澤瀉 一錢 柴胡 白芍 各一錢

肉桂

五味子

各一錢

水三鍾煎一鍾服

八味地黃方

卽前六味分兩外加肉桂

附子各一錢

補中益氣湯加半夏方

人參

黃芪

炙草

當歸

白朮

柴胡

升麻

陳皮

半夏

加煨姜

六味丸

熟地

八兩

山藥

山萸

各四兩

丹皮

茯苓

澤瀉

各三兩

加肉桂

一兩

建中湯

人參

錢一

芍藥

錢二

甘草

錢一

肉桂

七分

大棗

飴糖

又有一等鬱症似瘧者其寒熱與正瘧無異但其人口苦嘔吐清水或苦水而青脇痛耳鳴脈濇須以逍遙散加萊連貝母倍柴胡作一服初起則小柴胡加黃連貝母久則六君子加柴胡朴連妙繼以六味加柴胡芍藥調理

至於三陰瘧惟太陰瘧當用理中湯

不如補中益氣湯合

六君子湯為穩

必加肉桂若少陰厥陰非八味不效三陰

瘧用攻伐未有不變虛症而壞者

逍遙散 治鬱瘧

柴胡

芍藥

丹皮

陳皮

茯神

當歸

白朮

貝母

各錢

薄荷

七分

黃連

五分每一兩用吳茱萸二錢水拌炒焦色合用

青皮飲

青皮

厚朴

白朮

草菓仁

柴胡

茯苓

黃芩

半夏

甘草

此方小柴胡爲主大抵寒熱往來屬少陽
經症故用以爲君草菓厚朴所以化食青
皮半夏所以祛痰寒多加肉桂熱多加黃
連

草菓飲 治脾胃有鬱痰伏涎者元氣強
壯者可用虛者禁用

草菓

常山

知母

烏梅

檳榔

甘草 穿山甲

趙以德云知母性寒入足陽明治陽明獨盛之火熱使其退就太陰也草果性溫治太陰獨盛之寒使之居於陽明也二經合和則無陰陽交錯之變是爲君常山主吐胸中痰結是爲臣甘草主和藥烏梅去痰檳榔除痰癖破滯氣是佐藥穿山甲穴山而居遇水而入則是出陰入陽穿其經絡於營分以袪暑結之邪爲之使也

白虎湯加桂方 治痺瘧若脈虛弱者不
宜

石膏

一觔

知母

六兩

甘草

二兩

桂枝

去皮三兩

糯米

二合

每服五錢

蜀漆散

治牝瘧見金匱

蜀漆

燒去腥

雲母

燒三夜

龍骨

各等分

右爲散未發前以漿水服半錢匕如溫瘧
加蜀漆一錢臨發時服一錢匕

牡蠣湯 治牡瘡

牡蠣

熬 四兩

麻黃

去節

蜀漆

各三兩

甘草

二兩

水八升先煮蜀漆麻黃去沫得六升內諸藥煮取二升溫服一升若吐勿再服

痢疾論

痢疾惟王金壇論得其奧而法亦詳當參之

痢者古名滯下是也裏急後重逼迫惱人或膿或血或膿血相雜或無糟粕或糟粕相雜或腸

垢或痛或不痛或吐或不吐或發熱或不發熱
當詳辨其陰陽寒熱虛實而施治不可偏執一
見也

原病式云利爲濕熱甚於腸胃拂鬱而成其病
皆熱症也俗以白痢爲寒誤也世有用辛熱藥
而愈者蓋病微得熱則鬱結開通氣和而愈甚
者病轉劇故治痢者必用寒以勝熱燥以勝濕
少加辛熱佐之以爲發散開通之用如此無不
愈者

丹溪謂仲景可下者悉以承氣湯下之大黃之
寒其性善走佐以厚朴之溫善行滯氣緩以甘
草之甘飲以湯液蕩滌腸胃滋潤輕快積行卽
止禁用砒丹巴礪等藥恐其暴悍毒氣有傷腸
胃清純之氣又謂局方例用熱藥爲主瀝藥爲
佐用之於下痢清白者猶可不其裏急後重經
所謂下重者皆屬於火又加濕熱之藥非殺而
何按前論皆專主寒治之說以爲痢發於秋是
暑月濕熱所致其理甚著其論亦和平但不詳

所以致鬱熱者多因暑熱酷烈過飲冰水生冷
熱爲寒鬱久而爲沉寒積冷者亦有之不可泥
定是熱當辨症切脈真知其有熱積方可用大
黃若係寒積而用大黃不惟不愈反增痛極而
危矣大凡下熱痢用大黃下寒痢用巴豆有是
病則服是藥詳按古人成法不容毫髮差謬內
經通因通用原有兩條有酒蒸大黃有蠟丸巴
豆分析甚明不可不考也又謂溫熱之藥用於
下痢清白者猶可則純紅血痢者必不可用溫

熱矣。然王海藏有云：暑月血痢，不用黃連。陰在

內也。

此說却又不可爲訓。

本草衍義云：有一男子暑月患

血痢，醫以涼藥逆治，專用黃連、木香、阿膠。此病始感，便治則可。病久，腸虛理不可服。踰旬，幾至委頓。理當別治。此一段論，又見類症本草序中。海藏云：楊師三朝大醉，至醒發大渴，飲冷水三巨杯。次日又飲茶三碗，後病便鮮血四次。約一盆。先與吳茱萸丸。翌日又以五苓平胃各半散三大服。血止復白痢。又與感應丸四服。白痢乃

止其安如故或問何爲不用黃連之類以解毒而反用溫熱之劑乎予曰若用寒涼其疾大變難療寒毒內傷後用寒涼非其治也況血爲寒所凝浸入大腸間而便下得溫乃行所以用熱藥其血自止經曰治病必求其本

本各不同不可執一如前

案乃知其飲冷而作故以溫胃行滯立法非謂暑月之病皆然也

此之謂也胃

既得溫其血不凝而自行各守其鄉矣當舉此爲例可見不可偏執用寒之說倘有遇血痢者

勿執以爲熱也

然而熱者十之七八

大抵後重者宜下

亦有不
可下者

腹痛者宜和

亦有可
攻可補

身重者宜除濕脈弦者去風膿血稠粘者以重

藥竭之身冷自汗者以毒藥溫之

亦有
火熱

風邪內

縮者宜汗之滑洩不及拈衣者止澁之驚澇爲

利宜溫之而已

亦有升
舉平補

必當求其所因辨其陰

陽而治之斯得之矣

世人一見滯下不分寒熱陰陽虛實

誤在
此耳

便以

大黃湯蕩滌之是重劑也其次者黃芩芍藥湯

和之是輕劑也香連丸

近日香連丸絕非舊法
雜用尅劑瀉下之藥人

自為政亦名香連殺
人如底真可痛恨

是常藥也當歸芍藥和其

血檳榔枳殼調其氣

此則宜少

見有血色者紅花生

地地榆以涼其血黃連黃栢以清其火

諸法自不可易

高鼓峯會通自造澤瀉湯加減用之良驗

朝夕更醫出入增減不過

如此已濱於死猶曰血色依然腹痛未減誰敢

溫補

此則過矣亦愚矣

死而無悔傷哉傷哉

凡腹痛後重小便短少口渴喜冷飲大腸口燥

結是為挾熱下痢前法固宜若腹痛口不渴喜

熱飲小便清長身不熱腹喜熱手熨者

痢疾與傷寒不

同類有不渴喜熱飲便清身不熱腹喜熱熨而仍屬火症者此未可以為據也是為挾

寒下痢須理中姜桂溫之至於初起受病原係

熱痢遷延日久各症不減或反加重理當別治

竟作虛看須用補中益氣一升一補此理前當此法不易

倍加參芪溫補如小腹重墜切痛奔豚此兼屬

少陰症急加吳萸肉桂破故子肉果甚則加附

子如有純血者加炒黑乾姜虛回而利自止若

必待血清利止而後補亦晚矣數語足寶

世間似痢非痢者多多亦未必東垣云飲食有傷起

居不時損其胃氣則上升清華之氣反從下降是爲殄泄久則太陰傳少陰而爲腸澼裏急後重膿血交錯數至圓而不能卽便者專用補中益氣湯爲主使升降之道行其痢不治而自消矣余法東垣凡有熱者加姜炒黃連有寒者加姜桂寒兼小腹痛者用建中湯有風濕者加防風羌活肝氣乘脾者倍柴胡加芍藥木香滑泄者加粟殼訶子如此溫補不愈又當別治經曰熱之不熱是無火也無火者益火之原急補命

門之火以生脾土之母此萬舉萬全之策也

又有一等陰虛似痢者卽五泄中大瘕泄是也
經曰裏急後重數至圊而不能便必莖中痛褚
氏云陰已耗而復竭之則大小便牽痛愈痛則
愈便愈便則愈痛其症紅白相雜裏急後重悉
似痢疾必小便短澀而痛或不通而痛或欲小
便而大便先脫或欲大便而小便自遺兩便牽
引而痛此腎虛之危症急以八味加補骨脂肉
豆蔻阿膠兼理中湯加升麻桂附相繼間服庶

可挽回以痢藥治必斃矣詳見先天論泄瀉條
內見前

有一等積滯已少但虛坐努責此爲下多亡血
倍用當歸爲主生血藥爲佐血生自安

本經此是血虛

陰症

後重有二邪氣墜下者圖後不減虛努不收者
圖後隨減此可辨虛實

分明

有一等噤口痢湯藥入口隨出在下纏住急迫
多因熱毒熾盛逆冲胃口胃氣伏而不宣急以

黃連用吳茱萸炒過去茱萸其人參等分加糯
米一撮濃煎一盞細口一匙一匙潤下但得二
三匙咽下便不吐矣如吐再服有一等寒氣逆
上者用溫補之藥調之易治

有一等休息痢經年累月愈而復發此係寒積
在大腸底諸藥所不到精細的確獨巴豆一味研炒
蠟丸如龍眼大空腹服之再不復發此亦通因
通用之法也

四明徐陽泰體素豐多火善渴雖盛寒床頭必

置茗椀或一夕盡數甌又時苦喘急質之余余
言此屬鬱火症常令服茱連丸無恙也丁巳夏
徐君避暑檀州酷甚朝夕坐冰盤間或飲冷香
薤湯自負清暑良劑孟秋痢大作初三晝夜下
百許次紅白相雜絕無渣滓腹脹悶絞痛不可
言或謂宜下以大黃余勿頓也竟用參朮姜桂
漸愈猶白積不止服感應丸而痊後少嘗蟹螯
復瀉下委頓仍服八味湯及補劑中重加姜桂
而愈夫一身歷一歲間耳黃連苦茗曩不輟口

而今病以純熱瘵向投大黃涼藥下之不知何狀又病室孕時喘逆不眠用逍遙散立安又患便血不止服補中黑姜立斷不再劑

世有瘵後痢者亦有痢後瘵者夫既爲瘵後發洩已盡必無暑熱之毒復爲痢疾此是元氣下陷脾氣不能升舉然亦有邪未盡而變發者當於補中益氣中加以清理之

味似痢非痢也既爲痢後下多則亡血氣又隨痢散陰陽兩虛陽虛則惡寒陰虛則惡熱故寒熱交戰似瘵非瘵也則俱作虛論俱用補中益

氣加溫補其病自愈

有一孕婦瘧痢齊發醫治兩月餘瘧止而痢愈甚又加腹痛飲食少進延余視之余曰虛寒也以補中益氣加姜桂一服痢止大半再一服而反加瘧病大作主人驚恐余曰此吉兆也向者瘧之止乃陰盛之極陽不敢與之爭今服補陽之劑陽氣有權敢與陰戰再能助陽之力陰自退聽方中加附子五分瘧痢齊愈大服補劑越三月產一子產後甚健

大黃湯

用大黃一兩剉碎好酒二大盞浸半日煎至一盞半去渣分作二服痢止勿服如未止再服取利爲度

芍藥湯

芍藥

一兩

當歸

黃連

黃芩

各半兩

大黃

二錢

桂

二錢半

甘草

檳榔

各二錢

木香

一錢

右九味每服五錢水二鍾煎至一鍾

香連丸

黃連

淨二十兩用吳茱萸十兩同炒焦揀去茱萸不用

木香

五兩不見火

右爲細末醋糊丸如桐子大每服三十丸

米飲下

感應丸

新舊冷積並可治此方神妙不

可言雖有巴豆不令人瀉下其積自然消

化

南木香

肉豆蔻

丁香

各兩半

乾姜

炮一兩

巴豆

七十粒去皮心膜研去油

杏仁

一百四十粒去皮尖

百草霜

一兩

右前四味爲末外入百草霜研其巴豆杏

仁另研七味同和勻用好黃蠟六兩溶化

成汁以重絹濾去渣更以好酒一升於砂

鍋內煮蠟數沸傾出酒冷其蠟自浮於上

取蠟秤用丸用清油一兩銚內熬令香熟

次下蠟四兩同化成汁就銚內乘熱拌和

前藥末捏作錠子丸如荳大每服三十丸

姜湯空心送下

楊子建云世人有患疫毒痢初得時先發寒熱忽頭痛壯熱思入涼室思吃冷水狂言狂走渾身肌肉疼痛手不可著忽下痢或白或赤或赤白相雜此症難治此係太歲中其年春夏之內多有寒肅之化陽炁少見寒熱二氣更相交爭忽於夏月多寒熱之化寒邪犯心水火相戰所以先發寒熱水火相犯血變於中所以多下赤痢如紫草色如莧菜色者寒邪犯心之重也白

色者尚輕赤色者漸重赤白相雜者氣血相等
寒熱之氣相搏也治諸症之法先奪其寒以後
隨症調理

萬全護命方

麻黃

去根節

官桂

去粗皮各七錢半

大川芎

白朮

各二兩

藁本

獨活

桔梗

防風

芍藥

白芷

各半兩

丹皮

甘草

各二錢半

細辛

三錢三分

牽牛

一錢七分

右爲細末每服二錢白滾湯調下和渣熱服○若服此藥後寒熱已退赤痢已消減便修合第二方

訶子五枚用麴暴火煨熟去核爲細末每服二錢七分以米湯一盞半煎取一盞空心和渣服

服前二方藥病勢已減所下之物止餘些小或下清水或如鴨溏或只餘些小紅色宜修合第三方以牢固大腸還復真氣